

# Igl handy ampe da munedà an satg

Passagiers da la VR pon parcar sempel a sainza munedà cun «ePark24»

■ (anr/grc) A partir da l'antscheata da fanadur po la taxa pigls parcadis da la Veiafier retica VR a Tusàn, a Casti ad a Preda vaginr pajeadà cumadevlameing cun agid digl handy. La clientela da la VR po parcar a pajear la taxa da parcadi cun igl telefonet ad igl sistem sempel dad ePark24. A quegl per anc sainza taxa da transaziun. La taxa da parcadi e agl efect final alura semplameing sen igl quent digl oferents d'abunamaints da telefon sco «swisscom», «orange», «sunrise» near oters.

Strusch egna automobilista near egn automobilist c'ha betga gea stuieiu constatar ca igl auto e ara parco, dantant la munedà nezzaria par meter agl automat mantgeva. Tgi ca parcescha actualmeing sen egn digl tres parcadis da la Veiafier retica d'egn digls liacs numnos po imediatameing pajear quella taxa per handy. La procedura da pajamaint e fetg semplà. Gl'amprem vean vean tscharnieu igl numer da telefon c'inditescha igl tains da parcar. Senaquegl s'anunzta egna vusch agl telefon ca gi d'inditegear igl numer digl liac (agl cass da Tusàn e quel par exaimpel 800). Suainter e'gl da comunitgear u igl numer digl parcadi, near igl numer d'imatriculaziun digl auto. Par finir cunfirma la vusch automatica da ePark24 la dirada da parcadi pajeadà. Igl quent vean cumpenso via quent digl telefonet.

Parcadi sen igls quals las taxas pon vaginr pajeadas cun igl si-

stem ePark24 en inditgeadas cun tavlas. La VR s'ampurmeta cun agid da quels tres projects da pilot sen las tres staziuns da surtut survagnir experienzias partutgant l'acceptanza da que sistem davart da la clientela. La taxa da parcadi resta madema. «La VR po redutgear sieus custs d'investiziun parquagl cigl basegna da mains automats da parcar», à Alexander Schümperli, CEO dad ePark24, managieu ier a caschùn d'egna infurmaziun agls mieds da massa sen la staziun a Tusàn.

## Colavuraziun dad ePark24 cun «PostFinance»

ePark24 sustegna igls survetschs da PostFinance. Tgi ca vut pajear via igl conto da posta tschainta aint igl numer da telefon gratuit. Ear a qua magnan vuschs digl magnetofon tras igl simpel modus da pajear, quegl ca pratenda dantant egna registraziun unica per SMS. Plenavànt lavura ePark24 ear stretgameing anzemel cun P+Rail (P+R). Graztga a que sistem da pajamaint da taxas da parcadi possan tals afaris renunzgear a gràndas investiziuns a stotgan me montar tavlas cun pocas indicaziuns, à igl manager da ePark24 Daniel Linder infurmo.

## Experienzias cun las Veiafiers federalas svizras VFF

Avànt egn on àn las VFF introdutgeu an tres liacs da P+R igl sistem ePark24, numnadamaing sen las staziuns da Uetlikon a.S., a Rafz ad a Rorkreuz. Dantant vi-

gnan ple ca 20 partschient da las taxas da parcadi pajeadas cun agid digl handy.

«Quella grànda acceptanza da la clientela cunfirma ca igl e sempel da far adiever digl sistem ePark24», declara Alexander Schümperli, CEO da ePark24 SA ad agiunta: «Noss moto: 'Sempel parcar' vean a sacumprovar ear sen igls parcadis da la Veiafier retica.»

## Ear par stizuns a tgomps da flurs segl bagn puril

Sco ca igls raspunsabels dad ePark24 Alexander Schümpeli a Daniel Linder àn fatg a saver segi que sistem da pajamaint an colavuraziun cun PostFinance tutaveia ear adato par pajear ovs da la stizuneta near flurs digl tgomps segl bagn puril, oz ca ple a ple purs fetschan vendita directa da products agrars. Cun agid da pajamaint per handy pon products vaginr pustos per SMS sur egn numer da telefon curt a gratuit. Sen fundamaint digl numer da telefon digl handy vean que conto postal angraeavgieu cun quella suma, sainza taxas da transaziun pigl claiant.

ePark24 SA vegi mess an funcziun egna platafurma cun la quala igl spazi da parcar possi vaginr tratg a nez optimalmeing. Cun ePark24 sco ura da parcar virtuala possan taxas da parcadi vaginr pajeadas cumadevlameing cun agid digl telefonet. Cunquegl ramplazi ePark24 uras ad automats da parcar. Infurmaziuns en da catar sut: [www.epark24.ch](http://www.epark24.ch).



FOTO G. VENZIN

## Parada da maschinis agricolas a Rueun

■ (gv) Rueun fa buca til da tscheiver alla gronda, persuenter ha il vitg onn per on ina parada da rapids. Entgins tracturs

models pli vegls han fatg biala pareta – els tarlischavan bunamein schi fetg sco ils possessurs – mo il grond applaus han ils

carrs ornaì cattaù. Il rapid cun aviuls entuorn las flurs sulegl ei staus in da quels carrs che ha surviu sco sujet dils fotografas.

## SVIZRA

### Cun 158 enstagl dad 80 km/h

(pocha) La fin d'emna ha la polizia chantunala fatg controllas da spertadad sin la via sursilvana a Glion e Tavanasa. La sonda ha el-la tschiffa a Tavanasa in automobilist cun in Ferrari ch'è charrà cun 158 km/h enstagl dad 80 km/h lubi. Ses permis da charrar en l'exteriur ha la polizia abgiudtgà. La sonda ha la polizia controllà a Glion la spertadad tar 708 vehichels. Da quels èn 112 stads memia spert da viadi. Nov automobilists èn vegnids accusads. In motociclist è charrà cun 137 km/h e ha stuvì deponer ses permis da charrar.

### 08.08.08 a las 8 ad 8888 Heiligkreuz

(lq) Sin filatelists e fans da datas extraordinarias spetga ils 08.08.08 ina acziun tut apartia. A 8888 Heiligkreuz (SG) pon quels acquistar bustas absolutamain unicas. Il bul porta la cifra postale 8888 ed il datum 08.08.08 e l'indicaziun dal temp da las 8. Questa acziun 8 giadas 8 è in'idea da l'artist Fredy Baur che ha perpetnisà sin las bustas la chaplutta dad Oberheiligkreuz. L'artist segna era las bustas en format da charta fostala e quai sa chapescha ils 8 d'avust naven da las 8.00 tar la filiala da posta a Heiligkreuz. Ellas custan inclusivamain in bul dubel, la marca dad 85 raps e la signatura da l'artist dentant mo 5 francs e na betg 8 francs. Las bustas pon ins dentant era retrer per posta.

## OZ

### DIE SÜDOSTSCHWEIZ

Oberalptunnel als Ersatz für die Porta Alpina?

### Bündner Tagblatt

Bündner in Berlin finden auch in der Presse Lob

SO e BT pon ins cumprar al kiosk

### Rona: Auto brischà

(pocha) A Rona-Sura è in auto da furniziun vegnì demoli dal feu totalmain. Cu il manischunz ha percurschì fim en il motor ha el distatgà il char annex. Cun l'auto en flomma è el charrà sin il prà per impedir ch'ìls bajetgs en la vischinanza tschiffian feu. Malgrà ch'ìls pumpliers èn stads svelts sin il plaz è l'auto brischà dal tut.

### Nova metoda da dumbrar il pievel

(lq) 2010 vegn dumbrà auter la populaziun. Tenor la proposta en consultaziun na ston betg tuts emplenir ora in questunari, i vegn fatg mo retschertgas selectivas. Las datas derivan dals registars da persunas da la confederaziun, chantuns e vischnancas.



Ils sindicats pretendan 4,5% dapli paja per employads da la Posta, da la Veiafiers federalas svizras e da la Swisscom.

KEYSTONE

## Enfin 5% dapli paja?

(lq) Il sindicat Travail Suisse pretenda in auzament da paja da quatter enfin tschintg partschient. Transfair pretenda 4,5% dapli paja per employads federalas. La confederaziun ed ils anteriurs menaschis da la confederaziun sa chattian en ina situaziun finanziaria confortabla e sajan abels da dar marcantamain dapli paja. Tar las Viasfier federa-

las svizras (VFF) na dastgian ins betg maschadar la sanaziun da la chassa da pensiun cun la proxima runda da paja. Tenor Hugo Gerber, il president da Transfair, na tanschia i betg d'auzar mo las pajas dal cader. 75% dals employads sa chattian en classas da paja bassas e là sajan naginas migliurs previdas. Era quels hajan il dretg sin in augment dad almain 2%.



Alexander Schümperli, CEO da ePark24, declara sco c'ign po pajear la taxa da parcadi da la VR a Tusàn per handy.

FOTO G. R. CANTIENI

## L'AURA

### Sulegliv e stitg

Situaziun generala: Ina zona da pressiuon auta sur las Alps procura per megliera aura.

Oz: Grischun dal nord e central: L'emprim anc surtratg, dentant sitg. En il decurs dal di da vest pli e pli sulegliv. Vers saira èn singuls urizis betg exclus. Enfin 26°. Cunfin da 0° 4000 meters. Sid ed Engiadina: Detg sulegliv, enfin 31°.

Prognosa: Mesemna detg sulegliv, vers saira singuls urizis. Gievgia l'emprim detg sulegliv e stitg e vers saira da vest per part fermes temporals, surtut en l'ost e sid. Venderdi en il nord variabel cun singuls uradis, damain chaud. En il sid pli e pli sulegliv.

